



Inatsisartunut ilaasortaq Anthon Frederiksen
Kattusseqatigiit Partiiat
maani

UKA2007/12 Tusagassiuisarnermi akisussaassuseqarneq pillugu Inatsisartut inatsisissaattut siunnersuutip aappassaaneerpeqarnerani apeqquteqaatinut erseqqissaataasumik akissut

UKA2007/12 Tusagassiuisarnermi akisussaassuseqarneq pillugu Inatsisartut inatsisissaattut siunnersuutip tallimangornermi 9. november 2007 aappassaaneerpeqarnerani inatsisartut oqaluttarfianniit apeqquteqarputit, matumuunalu erseqqissaataasumik akissuteqarfigerusuppakka.

Inatsisartut Kultureqarnermut Ilinniartitaanermullu Ataatsimiititaliaata isumaliutis-siissutaa eqqaasitsisutigaa, ilaatigut imatut imaqartoq:

"Siunnersuut pineqaatissiissutissanut aalajangersakkanik aammalu taarsiissuteqarmissamut akisussaaneq pillugu aalajangersakkanik imaqartoq inatsisissatut siunnersuutip tusarniaassutigineqarneranut ataatsimoortumik akissummi Nunatta Eqqartuussiviata Tusagassiuisarnerlu pillugu Aalajangersaasarfiup tikkuarpaat. Pisinnaatitsissummik inatsimmi Folketingimit akuersissutigineqarsimasumi erseqqissumik tunngavissinneqarsimangippat maleruagassanik taamaattunik Inatsisartut atuussinnaassuseqartumik aalajangersaasinnaanerat Nunatta Eqqartuussivianit Tusagassiuisarnerlu pillugu Aalajangersaasarfimmud qularineqarpoq. (...) Tusagassiuisarnermi akisussaassuseqarneq pillugu inatsimmi pineqaatissiinnaanermut aalajangersakkat inatsimmik tunngaveqanngissinnaanerannik, taamaalillutillu atuussinnaassuseqanngissinnaanerannik apeqqummut tunngasut qularutigineqaqqunagit apeqqummut Inatsisinik Atortitsineranut Ministerip naliliineranik inatsisissatut siunnersuummik aappassaaneerinissaq sioqqullugu piniaqqullugit Naalak kersuisut ataatsimiititaliamit 23. juli 2007-imi allakkakkut qinnuigineqarput."

Ataatsimiititaliap suliaakkiissutaa aallaavigalugu Naalakkersuisut Inatsisinik Atortitsineranut Ministereqarfimmud saaffiginnissuteqarput, qinersinissamilli nalunaaruteqarneq tunngavigalugu sulii akissuteqartoqanngilaq.

Naalakkersuisulli isumaqarput, qularutigineqarsinnaanngitsoq Inatsisartut piginnaatitaaffeqartut Tusagassiuisarnermi akisussaassuseqarneq pillugu inatsisissamut siunnersuummi pineqaatissiissutaasinnaasunik taarsiissuteqarsinnaanermullu tunngasunik aalajangersaasinnaallutik. Pinerluuteqarsimasunut eqqartuussiveqarneq kiisalu taarsissuteqartarnermut eqqartuussiveqarneq sulii nunatsinnit tiguneqannginneranni Inatsisartut piginnaatitaaffeqarput pineqaatissiissutaasinnaasunik taar-

10. november 2007
Sags nr. 2007-003502
Dok. nr 14460

Postboks 1029
3900 Nuuk
Oq/tef +299 34 50 00
Fax +299 32 20 73 [Kiip-mail@qh.gl](mailto:Kiip@mail@qh.gl)
www.nanoq.gl/kiip

siissuteqarsinnaanermullu akisussaaffeqarnermik immikkut inatsisini aalajangersaasinnaallutik.

Tamatuma saniatigut Naalakkersuisut isumaqarput, tusagassiuisarnermut tunngassuteqartut akisussaaffigenerata Nunatsinnut nuunneqarneranut atatillugu ajornartorsiut tamanna isummerfigineqareersimasoq. Kalaallit Nunaanni tusagassiuisarnermut tunngasutigut akisussaasuseqarneq pillugu inatsimmi nr. 439-mi 31. maj 2000-imeersumi kiisalu inatsimmut oqaaseqaatini aalajangersarneqarsimavoq, Inatsisartut inatsisiliorsinnaanermut pisinnaatitaaffiinut ilanngunneqartoq inatsimmi atuuttumi aalajangersakkat assinginik malittarisassaliorsinnaaneq.

"Tamanna isumaqarpoq, tusagassiuisarnermut akisussaassuseqarnermut malittarisassani erseqqinnerusumik malittarisassiortoqarsinnaasoq taarsiissuteqarsinnaanermut pinerluuteqarsimanermullu eqqartuussiveqarneq eqqarsaatigalugit. "

Ilassutitut Naalakkersuisut nalunaarutigisinnaavaat, tusagassiuisarnermi akisussaasuseqarneq pillugu inatsimmi atuuttumi pineqaatissiisinnaanermut kiisalu taarsiissuteqarsinnaanermut akisussaassuseqarnermut tunngasunik aalajangersagaqarmat.

Inussiarnersumik inuulluaqqusillunga



Hans Enoksen

Naalakkersuisut siulittaasuat

Assilinera: Inatsisartut Kultureqarnermut Ilinniartitaanernnullu Ataatsimiititaliaat

Assilinera: Inatsisartut Inatsisit Atortinneqarnerannut Ataatsimiititaliaat